

# Nies salid al lectur

Autor(en): **[s.n.]**

Objektyp: **Preface**

Zeitschrift: **Igl Ischi : organ della Romania (Societat de Students Romontschs)**

Band (Jahr): **26 (1938)**

PDF erstellt am: **11.07.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Nies salid al lectur

Presentond noss' empren' annada sco redactur digl Ischi, vulein nus porscher curteseivel salid als undrai lecturs. Entochen ussa ei igl organ della Romania staus trasatras en mauns professorals. Ils professers Dr. C. Decurtins, Dr. P. Tuor e Dr. R. Vieli ein stai ils meriteivels redacturs. Sezs productivs auturs han els aunc giu la gronda ventira d'esser assisti fideivlamein d'in état dellas meglieras e pli fritgeivlas plemas, sribents de professiun e renum, che provedevan survetscheivlamein e bugen nies organ litterar cun products linguistics, litterars, historics, culturals, giuridics e d'otra natira. P. Maurus Carnot p. m. fuva adina pronts cun novellas, dramas ed outra litteratura belletristica. El scriva deplorablamein buca pli e lai sentir ina gronda largia en nossa produenziun litterara. El surveschi pia als survivents sco ideal exempel el survetsch per igl Ischi!

En vesta dellas immensas rihezias spirtalas dil tschespet romontsch ei il pensum dil redactur digl Ischi en sesez veramein ideals. El abstrahescha denton cheu d'exponer in program per sia lavur redaczionala, beinsavend che nuot ei pli riscus per absolver currentamein siu program che vuler luvrar tenor program. El sa pia, fortunadamein ni buc, sedispensar de normas e directivas programaticas. La mira digl organ della Romania ei denton e resta la medema tenor ses tschentaments: Cultivar il lungatg romontsch, siu spért, sia historia e litteratura, in-

summa il romontsch e sia tradiziun. Nus vulein era sespruar de mantener enten nies pievel siu profund idealismus per lungatg e tradiziun, igl idealismus romontsch, ch' aulza el adina ord la bassezia dil materialismus. Per saver arver ils rehs scazis de nossa cultura romontscha e porscher els en in organ litterar drova ei denton l'intensiva collaboraziun de tuttas forzas qualificadas. Il redactur appellescha pia a tuts scribents de nossa Romania de vuler prestar buntadeivlamein lur collaboraziun per siu organ.

Entuorn gl' Ischi, Romontsch, serimna  
Sco tier la Ligia grischa.  
E fai ch' el stat fritgeivels  
E si' honor terlischa!

**Sevgein, S. Gion 1938**

**Il redactur.**

---